

Ae Fieste dal Miluç di Tumieç si fâs fieste pal complean di Maman!

Sabide ai 27 di Setembar, aes 15.30, apontament cun
"Bon Complean Maman!" Inmaneât de ARLeF, il laboratori creatîf dedicât ai
plui piçui al celebrerà i 10 agns de transmission tv.

Ae Fieste dal Miluç di Tumieç al torne un dai apontaments che i fruts a spietavin di plui: il
laboratori creatîf di Maman! In ocasion de 29^e edizion de manifestazion che e animarà il
cûr de citât cjargnele par dut il fin di setemane, i plui piçui a saran protagoniscj di un
dopomisdì speciâl, plen di zûcs, fantasie e lenghe furlane. **Sabide ai 27 di Setembar, aes
15.30**, sot dal tendon in **place XX di Setembar**, al tacarà il laboratori ludic didatic
inmaneât de ARLeF - Agenzie regionâl pe lenghe furlane, in colaborazion cun Telefriuli.

La iniziative si intitularà "**Bon complean Maman!**" e e fasarà part dai tancj events
inmaneâts de Agenzie cun chê di fâ fieste pai 10 agns de transmission televisive in lenghe
furlane cetant preseade dai fruts. La diesime stagjon e scomençarà vinars ai 10 di Otubar.
Protagonistis di cheste "fieste di complean" speciâl a saran la famose condutore **Daria
Miani**, la sô "vicine di cjase" **Desiree Chiappo Debegnach**. Insieme a coinvolzaran i plui
piçui intun laboratori divertent pensât pai fruts dai 4 ai 10 agns. No mancjaran sorpresis e
gadgets par ducj i fruts che a parteciparan.

Udin, ai 22 di Setembar dal 2025

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / **e-mail: arlef@caltpr.it**

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<